

YRKER

Өдебиет / Мәдениет / Фылым / Өнер

## ЖАУҚАЗЫН ТЕКТЕС ЖАЗБАЛАР



(«Жауқазын жылда гүлдейді» жинағы туралы)

Бала күнімізден әдебиетті сүйіп, аңсарымыз ауып келгендейтін, төрт жыл бойы әдебиеттану саласында оқығандықтан, жіңі мерзімді басылымдарды оқып жүргендіктен бізге бүгінгі қазақ әдебиетінің хал-ахуалы таңсық емес. Әсіресе, жастар шығармашылығы. Осы жастар шығармашылығы туралы үлкендерден сұрай бастасан, Ақберен Елгезек, Ерлан Жұніс, Бейбіт Сарыбай секілді өзіндік қолтаңбасы қалыптасқан ағаларымызды айта жөнеледі. Кешіріңіз, бұл кісілердің алды отыз бесті алқымдады. Бұл кісілерден кейін Э.Байбол, А.Нұсіп, А.Әлменбет, М.Асан, С.Есжан секілді жиырма бестен енді асқан, көпшілікке танылып үлгерген ағаларымыз бар. Ал, біздің жастар деп отырганымыз – әдебиет табалдырығын енді ғана аттаған, көпшілікке әлі таныла қоймаған жас перілер...

Асылы, аузызы дуалы ағаларымыз кейінгі жас қаламгерлер туралы мәрдымды ештеңе айтпайды. Оған өкінбейік, әр буын өздері-өздерін насиҳаттауы керек. Бүгін бізде өзіміздің тұстастарымыз жайлы, олардың шығармашылығы, аяқ-алысы туралы ой қозғап көрелік... Жуырда ғана «Жауқазын жылда гүлдейді» атты жас қаламгерлердің «Жауқазын» республикалық әдеби байқауынан жүлде алған шығармалары енген жинағы қолымызға түсті. Аталмыш байқаудың мақсаты – аға буын қаламгерлер қалыптастырыған қазақ әдебиетіндегі ұлы дәстүрді жалғастыра отырып, үлттық әдебиетімізде жаңа есімдерді шығару, жас буынды әдебиетке баулу болған. Осы мақсаттың

қалай жүзеге асқанын бақылау да керек шығар?! Енді осы үздіктер қатарына енген жас қаламгерлердің шығармашылығына қарай ойыссақ.

Женімпаздар арасында Нұртас Тұрғанбекұлы, Манас Қайыртайұлы, Құндызы Жұбаева, Тұрсынбек Башар, Алпамыс Файзолла сияқты студенттер бар. Бұл тізімдегілерді әдеби қауым жақсы білуі керек. Неге десеніз, осы аталғандар көптеген республикалық әдеби байқаулар мен мұшайралардан үнемі алдыңғы орындардан көрініп жүр. Әсіресе, Нұртастың аяқ-алысы қуантады. Бір эттеген-айы, Нұртастың «Құлагер көкте» (І.Жансүгіровке), Құндыздың «Сирень сезімі» бұрындары баспасөз бетіне жарық көрген еді... (Кателеспесек, «Ақ желкен» журналы) Біз бұнымен бұл жастардың шығармашылығы тоқтап, тоқырады демейміз. Тек, алдағы уақыттарда бір өлеңді анда-мында ұсина бермесе еken дейміз. Байқаудың шартына бұрын баспа бетіне жарияланбаған туындыларын жолдауды кіргізгенде, бұндай олқылық кетпес еді... Оқырманды алдай алмаймыз. Әдеби процес-пен етене жақын оқырман, әрбір шығармашыл жанның жүріс-тұрысынан хабардар екенін еске сактауымыз керек. Сосын осы байқауға кез келген еркін тақырыптағы туындылар қабылданған соң, жинақ ішінде арнау өлеңдер де, лирикалық өлеңдер де жүргенін байқап қалдық.

Жинаққа ҚЖО басқарма төрағасының орынбасары Ж.Әшімжан, Ұлттық мемлекеттік кітап палатасының директоры Ж.Сейдуманов, «Жас өркен» ЖШС директоры Ж.Қорғасбектер алғы сөз жазыпты. Үш ағамыз да бүгінгі қазақ әдебиеті, соның ішінде жастар шығармашылығы туралы жалпылама айтып өткен. Тым болмаса, «Ақ желкен», «Ұлан», «Балдырған», «Дружные ребята» секілді балалар мен жасөспірімдерге арналған басылымдарға бірнеше жылдан бері жетекшілік етіп жүрген белгілі қаламгер Жұсіпбек Қорғасбектің кең көлемде тоқталып өтуіне болар еді... Осы жинаққа енген авторлардың дені осы басылымдардың «жас тілшісі» екенін білеміз. Жұсіпбек ағаның бір ауыз сөзі, олардың аты-жөнін атағаны – әдебиеттің есігіне имене кіріп келе жатқан жас перілерге үлкен дем, жеке төлкүжаттай қастерлі болар еді... Жә, бұл өз алдына бөлек әңгіме.

Нұртастың Илияс Жансүгіровке арнаған «Құлагер көкте» өлеңінен «Ажал балдағы көтере алмайды, Ақсақ өмірдің қеудесін» немесе «Аспан әйнекті көзілдіріктен, Ақын қарап тұр сығалап» я болмаса «Аспан ақынның күніренгені – шын таланттардың көз жасы» (13-14 бет) деген жолдары өте керемет шыққан. Теңеулері сәтті. Ал, Құндыздың «Сирень сезімі» (17 бет) бюджеткен қыздың басынан өткерген мектептегі махаббат сезімінің бастауы болса керек. «Тоғызынышы сыныптың сергелдені ед, әкем келіп қуантты мені бірде» деп басынан өткен тәтті сезімді әп-әдемі өлеңнің үйлесімімен баяндайды.

Манас Қайыртайұлы да мектептегі кезінен бері үнемі биіктен көрініп келе жатқан жас қалам иесі. Манас сол мектеп жылдарында-ақ, «Барқытбел» атты

алғашқы поэзиялық жинағын шығарған болатын. Жас ақынның өз сүрлеуін тапқанын, әбден ысылып алғанын «Ұлы адам өлгенде» (Қадыр мырза Әліге) өлеңінен байқауға болады. Өлеңде:

Ақ Жайық анау шалғайда күткен,

Қайғырды екен қандай қалыптен.

Тұманға батты Тұран езіліп,

Жұлдызы ағып мәндайға біткен,-делінген шумағы, сосын «Жарқын бір жұлдыз ағып барады, Қазақ – қайғылы, халық – қаралы» деген жолдары да, тұтас өлеңнің формасы да эстетикалық талғамға сай. Әсіресе, «Қадыры кетті алдаспан жырдың, Құдіретті өлең – қадірі қалды» деген жолдары Абайдың «өлмейтүғын артына сөз қалдырыған» дегенін бейнелеп әсерлі жеткізген. (19-20 бет)

Тұрсынбек Башардың жинакқа бір өлеңі, бір әңгімесі енген екен. Автордың «Ана үміті» (23-25 бет) атты әңгімесі баурап алды. Қызықтырды. Әңгіменің қысқа сюжеті былай, тұрмысы төмен отбасының отанасы екі баласын асырау үшін күнделікті тапқан табысынан бес-ондап, кейде жүздеп ақшаны бөлек тығады. Автор бұны – ұрлық дейді. Ұрлық болғанда да залалсыз ұрлық. Біреудің қалтасынан жымқыртпай, өзіне тиесілі ақшаны ұрлағаны тосын жағдайға әкеледі. Бұл – жас қаламгердің шеберлігі. Айdos пен Сымбат есімді балаларының мектепке ескі-құскы киімді киіп барғаны ананың жанына батады. «Менің балаларым кімнен кем деп?» балалары үшін қаражат жинайды. Күйеуі тірлікten жолы болмаған, ішімдікке салынып, үйдің берекесін алатын біреу. Бұл – бүгінгі қазақтың екіден бірінің басында болып жатқан мәселе. Сол алқаш күйеуінің өмірге деген көзқарасын автор «... қандай тұлен тұрткенін кім білсін, бірақ бұл жолы, өмірін басқа арнаға бұруға бекінді» деп, отағасын «өмірді қайта бастауға» үмтүлдырып, балалары мен әйелі жоқта, үй ішін тазалап, реттеп, жинастырып, қоқыс-қоқысқыты жинап, пешке салып, «барлық қайғы-қасірет осы құл-қоқыспен кетсін» дегізіп өртеттіреді. Әңгіменің ең қызық жері – осы. Себебі, бейшара әйел жинап жүрген қаражат пештің қуысында жасырулы еді... Біз, оқырман ретінде оқи отырып, бұндай тосын жағдайды күтпедік. «... Ақшамен бірге ананың үміті де жанып жатты. Бұл кезде үйіне жақындал қалған ана мұржадан ирелендереп шыққан тұтінді көріп, көзі қарауытып, жүрелеп отыра кетті» дейді автор. Содан кейінгі олардың өмірлері, тағдырлары бізге мәлім. Міне, Тұрсынбектің осындай қарым-қабілеті қуантқан еді... Ілгері күндері жас прозаиктың сиясы кеппеген әңгімелерін жиі оқимыз деп үмітенеміз. Енді Тұрсынбекке, тағы басқа жас талап иелеріне ескертер нәрсе «Отанасының алажаздай жамбасы жер иіскеген емес» деген жолдарына назар аударыныз, жамбас жер иіскемейді емес пе?! «Отанасының алажаздай жамбасы жерге тиген емес» десе, онда сөз жоқ. Біз, бұны құнтарап айтып отырғанымыз,

кішкентай бір стилистикалық қате сөйлемнің мағынасын өзгертіп жібереді. Бар гәп – сөйлемді мағынасына қарай дұрыс қолдана алмауымызда.

Осы жинаққа енген Айым Болатова, Ұлмекен Шаукенова, Алпамыс Файзолла, Анас-тасия Крюкова, Әйгерім Түсіпқалиева, Жадыра Байбуланова, Еламан Қабділәшім, Мирас Әбіл, Қуат Ежембеков, Нұрлан Наурызалиев, Марғұлан Ақан, Салтанат Қайырбектердің поэзиялық туындылары туған жерге, махаббат, сезім сергелденіне байланысты. Ал, Айым, Әйгерім, Салтанаттардың алдағы уақытта Фариза, Марфуға, Қанипа, Құләш, Ақұштап, Ғұлнэр секілді апайларымыздың қатарынан көрінүлере үшін әлі талай еңбектену керек. Бастысы – оку керек! Бұл кісілердің сұрлеуінен бөлек өзгеше, тың жолмен келіп, қазақ поэзиясына резонанс тудырмаса, бұл сарын – әдеби дәстүрді қайталау болып қалмақ. Енді Ұлмекеннің «Ұлы Алашым» (30 бет) өлеңіне назар аударсак:

Ұлы Алашым,

Ауырып жүр сені ойлат мына басым,

Батысқа бет бүрғанда ұл мен қызың,

Намыс қыспай қалайша тұраласын,-дейді. Басқа жолдарында да осындай бірізділік бар. Талдаға өрем жетпеді. Тек үйқас құру үшін жазса, өлең болмайды. Айтар ойы жақсы болғанымен, шашыраңқы. Шүкір, бүгін тәуелсіздігімізді алдық, Алаш арыстары армандаған күнге жеттік, батысқа еліктең жатқан жастар сіздің, біздің замандастарымыз. Оларға достық, жолдастық акыл айту, тәрбие беру – біздің міндет емес пе, замандасым?! Замандас-аяу, әріден соң, осы елдің болашағы – біздің қолда! Сіз ақын ретінде де, болашақ ана ретінде де елді тәрбиелеуге құқылысыз. «Биік шыңың – көк туың құламасын» деп жақсы аяқтаған екенсіз, ендігәрі өлеңді тек үйқас, буын үшін жазып, өлеңнің техникасына бола әуреленбеніз, өлең ішкі сезімнен қалай шықса, сол қалпында қағазға түскені абзал. Біз – поэзияның өлшемі емеспіз, ескеру, ескермеу өз еркінізде.

Алпамыс Файзолланың да жазғандары жиі баспасөз бетіне жарияланып жүр. Өткенде әлеуметтік желі арқылы қазақ спортының санлағы, құйрықты жүлдіздай ағып өткен Бекзат Саттархановқа арналған «Бекзат батыр» атты поэмасын оқып, жас ақынның қабілетіне, шеберлігіне сүйсінгенбіз. Осы жинаққа ақынның «Бұйырмаған бақытыма», «Сүйем сені, Ментай!», «Сағыныш» атты өлеңдер топтамасы кіріпті. Ақынның «Мен жұз қызға ғашық болған шығармын, дәл осылай оның бірін сүймелеп ем» немесе «Жанарынан жалын сезім көруші ем, жалғандықпен жаңылдым ба жоқ әлде?» я болмаса «Жақсылардың ғұмырындағы қысқа екен, Біз туралы өмір жазған әңгіме...» (33 бет) деген жолдарынан махаббаттан баз кешіп, жолы болмаған адамдар тағдыры көзіңізге елестейді. Задында, поэзияны немесе

прозалық шығарманы оқып отырғанында шығармаға арқау болған оқиға көз алдына елестейтін болса, «шын жүректен шықкан сөз, сол жүрекке болсын кез» (Абай) дегендей, жүрекке жетері анық. Алпамыстың өлеңдерінен осындағы әсер алдық. Сосын «Бұйырмagan бақытыма» деген өлеңді екі-үш мәрте қайтара оқи отырып, Жұматайдың «Ләйлә» деген өлеңімен ұқсас элементтерді көргендей болдық. Бұндағы ұқсас элемент – жауапсыз маҳабbat.

Қуаттың «Мұсінге тіл қату» (Әміре Қашаубаевқа), Мирастың «Театр сынды тұлпарым», Нұрланның «Ой туралы ой» (Магжан Жұмабаевқа), Марғұланның «Сырласу» (Мұқағали Макатаевқа), «Қайран ата» өлеңдері арнау үлгісінде жазылса да оқырманға үлкен әсер қалдырады. Нұрланның «Ой туралы ойы» басынан-аяғына дейін «О» әрібімен басталады. Бұл – ассонанс. Бірыңғай дауысты дыбыспен басталатын өлеңнің әрбір шумағында түсінген адамға, әсіресе, өлең түсінер адамға айтар үлкен ой жатыр.

Жалпы осы жинакқа прозалық шығармадан гөрі, поэзия басымырақ енген. Осыдан-ақ, біздің елде поэзияның өкілдері көп екенін көруге болады. Ербол Қабылхановтың «Мен жарықты сүйген едім», Санжар Бекжановтың «Боздап тұр, Бозқараған!», Жадыра Мұсабайдың «Аяқталмаған күнделік», «Әйгерім Сәрсенованаң «Тағдыр толқыны», Әсел Қойшыбаеваның «Айнаның арғы бетінде» сияқты жастардың проза жанрына сәйкес келетін туындыларда әр түрлі мәселелер арқау болған. Әсіресе, Әселдің «Айнаның арғы бетінде» мистикалық әңгімесінде Сара деген қыздың басынан өткерген шым-шытырман оқиғалары арқау болған. Сара үйінде жалғыз қалады. Үйі ай даладағы ну орманның ішінде. Сараның үйіндегі жалғыз тұрмыстық зат – айна. Кейіпкер үйді сатып алғанда, осы айнадан басқа зат болмаған. Айна сиқырлы екен. Ары қарай мистикалық хикаяларды жақсы келістірген. Шығарма женіл оқылады. Аталған жас прозашылардың шалқыма, күнделік формасындағы жазбалары, әңгімелерін де бастысы – идея мен көркемдік бар, тек қызыл сөзге ұрынғандары болмаса, жаман емес. Біздің жас прозаиктар көбінесе сөз қолдану жағынан ақсайтындығы байқалады. Бұл үшін – шығармашылық ізденіс керек. М.Мағаун, Қ.Жұмаділов сияқты қазақтың байырғы сөздерін ұтымды қолданататын классиктерді қайтара оқып шықсаныздар, өкінбейсіздер...

Жинақтың екінші бөлімінде 2013 жылғы оқушылар арасындағы өткен аталмыш байқау женімпаздарының шығармалары бас құрапты. 2013 жылы оқушы болып жүргендердің алды қазір студент болды. Мысалы, Жандарбек Жұмағұлов, Ләzzat Мақаш, Нұргұл Қалимолда, Серік Қантаевтардың шығармалары жиі «Үркөр», «Ақ желкен» тағы басқа басылымдарға жарияланып жүр. Жандарбек пен Ләzzat та Нұртас, Құндыз секілді аға-әпкелерімен бірге мүшайраларда бақ сынасып жүр. Жандарбек 2014 жылғы халықаралық «Шабыт» фестивалінде «поэзия» номинациясы бойынша

арнаулы сыйлықты алғаны қуанттарлық жэйт.

Жоғарыда студенттер шығармасын талдап отырып ескеретін жағдай оқушылар арасында да қайталанып отыр. Мысалы, шығыс қазақстандық жас қаламгер Dana Maratovanyң «Алтын адам туралы аңыз» ертегісі, Анар Әжіалиеваның «Мақсатқа жету арманнан басталады» әңгімесі 2014 жылы республикалық T.Rымжанов атындағы поэтикалық байқауда жулде алыш, «Таупық тағылымы» атты жинаққа енген еді... Ал, Алтынай Амангелді қарындастырылған «Домбыра» ертегісі 2013 жылғы халықаралық «Дарабоз» әдеби бәйгесінде жүлделі шығармалар қатарынан көрініп, «Кәусар бұлак» жинағына енген. Енді қараңыз – бір туындысын ана байқауға, мына байқауға қатыстыру ойланарлықтай жағдай! Бұны қалай түсінсек болады? (!) Жас авторларға осыны қатаң ескеруді талап етеміз. Өткенде бір ағамыз «әдебиет бір-екі әңгімен жасалмайды» деген. Сол сияқты әдебиетке енді келіп жатқан, оны мен солын әлі дұрыс айыра алмай жүргендерін ескеріп, балғын қалам иелеріне ренжімесіміз анық.

Мәрлен Ғилымханов, Dana Maratova, Гүлсара Марат, Төлеужан Әділет, Жәнібек Қойтай, Меруерт Құсайын, Серік Қантаев, Әлия Іңкәрбек, Думан Смақов, Шырын Сарымбекова, Анар Әжіалиева сияқты жас қаламгерлердің шығармаларында өмір көрінісі шынайы бейнеленген. Балауса өлеңдері мен әңгімелерінен балғын ііс аңқып тұр. Ал, Әлия Іңкәрбек, Алтынай Амангелді қарындастарымыздың шығармашылығын аға буын қаламгерлер оқып, ыстық ықыластарын білдірген еді... Кейінгі кездері Мәрлен Ғилымханов пен Серік Қантаевтың ізденісі көңілге медеу болып жүр. Ал, Жәнібек Қойтайдың көп оқитындығы, әлем әдебиетінен хабардар екеніндігін мерзімді баспасөзде жарияланып жүрген шығармаларынан байқап журміз. Сосын Анар әңгімесіне «Мақсатқа жету арманнан басталады» деп тақырып қойыпты. Басты кейіпкер – Медет. Медеттің өзі армандаған арманына сүрінбей жетуін жақсы жазған. Тек, тақырыбына қарап журналистік очерк па деп қаласыз және шұбалаңқы. Бұл тек Анарға ғана қатысты емес, алдағы уақытта әдебиетке келуге ниеттеніп жүрген жасөспірімдер мен жастар да ескеру тиіс мәселе.

«Жауқазын жылда гүлдейді» атты кітапты оқи отырып, түнілгенімізден қуанғанымыз көп болды. Әдебиеттің келешегі бар екен. Осы жас-тар шығармашылық азапқа, әлеуметтік жағдайға қарамай, өндіріп жаза берсе, ұлттық әдебиетіміздің арнасы ұлғайып, дами түспек. Жауқазын гүл тәріздес жастарға тек шығармашылық ізденіс тілейміз.